



Broj: 02-02-1-2687/17

Sarajevo, 24. 11. 2017.

Parlamentarna skupština BiH
Kolegij Doma naroda
Ustavnopravna komisija Doma naroda

BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
SARAJEVO

B

PRIMLJENO 24-11-2017			
Organizaciona jedinica	Klasifikaciona oznaka	Redni broj	Broj priloga

Na osnovu člana 97. st. (1) i (2) Poslovnika Doma naroda Parlamentarne skupštine Bosne i Hercegovine ("Službeni glasnik BiH", br. 58/14, 88/15, 96/15 i 53/16), Zakonodavno-pravni sektor daje

MIŠLJENJE

o usklađenosti Prijedloga zakona o izmjenama i dopunama Zakona o zaštiti lica koja prijavljuju korupciju u institucijama Bosne i Hercegovine s članom 95. Poslovnika Doma naroda i Jedinistvenim pravilima za izradu pravnih propisa u institucijama Bosne i Hercegovine

Predsjedavajući Doma naroda Parlamentarne skupštine BiH, u skladu s odredbama člana 97. stav (1) Poslovnika Doma naroda Parlamentarne skupštine BiH (u daljnjem tekstu: Poslovnik), aktom broj: 02-02-1-2687/17, od 23. 11. 2017., dostavio je Prijedlog zakona o izmjenama i dopunama Zakona o zaštiti lica koja prijavljuju korupciju u institucijama Bosne i Hercegovine (u daljnjem tekstu: Prijedlog zakona) Zakonodavno-pravnom sektoru radi davanja mišljenja o usklađenosti Prijedloga zakona s članom 95. Poslovnika i Jedinistvenim pravilima za izradu pravnih propisa u institucijama BiH.

Prijedlog zakona, broj: 02-02-1-2687/17, od 22. 11. 2017., podnijeli su delegati u Domu naroda Parlamentarne skupštine BiH, Bariša Čolak, Halid Genjac i Darko Babalj, kao ovlašteni predlagači, u skladu s članom 94. stav (1) Poslovnika, uz prijedlog da se razmatra po osnovnom zakonodavnom postupku.

I. Usklađenost s odredbama Poslovnika

Tekst Prijedloga zakona je, u skladu s članom 95. stav (1) Poslovnika, podnesen u pisanoj i elektronskoj formi, na jezicima i pismima u službenoj upotrebi u BiH.

Uz Prijedlog zakona dostavljeno je obrazloženje koje sadrži elemente propisane članom 95. stav (3) tač. a), b), c) i d) Poslovnika:

1. ustavni osnov za usvajanje zakona,
2. razloge za donošenje zakona,
3. principe na kojima je zasnovan prijedlog zakona,
4. usklađenost s međunarodnim standardima, te
5. procjenu finansijskih sredstva neophodnih za provođenje zakona.

U skladu s članom 95. stav (4), mišljenje Agencije za zaštitu ličnih podataka u BiH o usklađenosti prijedloga zakona, koji se odnose na obradu ličnih podataka, sa standardima zaštite ličnih podataka i mišljenje Direkcije za evropske integracije o usklađenosti Prijedloga zakona sa zakonodavstvom EU, pribavlja Kolegij Doma.

Također, uz Prijedlog zakona priložene su odredbe koje se mijenjaju, odnosno dopunjavaju, u skladu s članom 95. stav (5) Poslovnika, a obzirom da Zakon o zaštiti lica koja prijavljuju korupciju u institucijama Bosne i Hercegovine nije mijenjan, nije primjenjiva odredba o dostavljanju verzije prečišćenog teksta zakona.

S obzirom na navedeno, Prijedlog zakona je u potpunosti *usklađen* s članom 95. Poslovnika.

II. Usklađenost s Jedinim pravilima za izradu pravnih propisa u institucijama Bosne i Hercegovine ("Službeni glasnik BiH", br. 11/05, 58/14, 60/14, 50/17 i 70/17)

Prijedlog zakona svojom strukturom, formom i stilom odražava pravila izrade pravnih propisa, te je *usklađen* s Jedinim pravilima za izradu pravnih propisa u institucijama Bosne i Hercegovine.

Rukovoditeljica
Zakonodavno-pravnog sektora


Mirjana Kutanjac

Dostaviti:

1. naslovu
2. a/a